

第〇一二册

曆象彙編

乾象典

星辰部

天河部

風部

雲霞部

六—三
(卷)

壹—充

七—四

古今圖書集成

中華書局影印

卷之二

目錄

卷之二

古今圖書集成

卷之二

欽定古今圖書集成曆象彙編乾象典

第六十一卷目錄

星辰部雜錄一

乾象典第六十一卷

星辰部雜錄一

易經豐六二豐其蔀日中見斗傳斗昏見者也蔀周匝之義用障蔽之物掩晦於明者也斗屬陰而主運平象五以陰柔而當君位日中盛明之時乃見斗猶豐大之時乃遇柔弱之主也

九三豐其沛日中見沫程沛作施幡幔圍蔽於內者豐沛更甚於蔀也沫星之微小无名數者見沫暗之甚也

書經周書洪範庶民惟星星有好風星有好雨日月之行則有冬有夏月之從星則以風雨

詩經小雅苔之華三星在留注留中無魚而水靜但見三星之光而已言饑饉之餘百物凋耗

大雅雲漢瞻仰昊天有嘒其星注未久旱而仰天以望雨則有嘒然之明星未有雨徵也

周禮冬官考工記輅人蓋弓二十有八以象星也龍旂九旒以象大火也鳥旗七旒以象鶉火也熊旗六旒以象伐也龜蛇四旒以象營室也弧旌枉矢以象

弧也

禮記曲禮行前朱鳥而後元武左青龍而右白虎招搖在上注上意繕其怒陳行軍旅之出也朱鳥元武青龍白虎四方宿名也以爲旗章招搖北斗七星也居四方宿之中軍行法之作此舉之于上以指正四方使戎陣整肅

禮運天秉陽垂日星又以四時爲柄以日星爲紀尚書考靈曜桑木者箕星之精木虫食葉爲文章人食之老翁爲小童

詩紀曆樞樞蟀在堂流火西也

春秋運斗樞瑤星光星散而爲鳥璣星散爲鶉玉衡星散爲鳩天樞得則鸞集玉衡星散爲鶉璣星散爲雉瑤星光星散爲鶉爲雀玉衡星散爲李璣星散爲橋玉衡星散爲椒爲葦蒲璣星散而爲象玉衡星散而爲兔璣星散爲蠶

春秋說題辭詩者天文之精星辰之度

斗星時散精爲箕四月生應天理

槐木者虛星之精

春秋佐助期天子法斗諸侯應宿也

春秋緯月麗于畢雨滂沱月麗于箕風揚沙

三墳書山墳象民星

管子四時篇東方曰星其時曰春其氣曰風風生木與骨其德喜贏而發出節時其事號令修除神位謹禱弊梗宗正陽治隄防耕耨樹藝正津梁脩溝瀆甃屋行水解怨赦罪通四方然則柔風甘雨乃至百姓乃壽百蟲乃蕃此謂星德星者掌發爲風又西方曰辰其時曰秋其氣曰陰陰生金與甲其德憂哀靜正

嚴順居不敢淫佚其事號令母使民淫暴順旅聚收量民資以畜聚賞彼羣幹聚彼羣材百物乃收使民毋怠所惡其察所欲必得我信則克此謂辰德辰掌收收爲陰

文子上德篇日出星不見不能與之爭光又百星之明不如一月之光

莊子大宗師篇傳說得之以相武丁奄有天下乘東維騎箕尾而比于列星

列御寇篇莊子將死弟子欲厚葬之莊子曰吾以天地爲棺槨以日月爲連璧星辰爲珠璣葬具豈不備耶

尸子自井中視星所見不過數星自丘上以望則見始出也非明益也勢使然也

孫武子火攻篇凡發火有時起火有日時者天之燥也日者月在箕畢翼轸也凡此四宿者風起之日也荀子解蔽篇瞽者仰視而不見星辰不以定有無用精惑也

吳越春秋吳與越同音其律上合星宿下共一理史記龜策傳記曰能得名龜者財物歸之家必大富至千萬一曰北斗龜二曰南辰龜三曰五星龜四曰

八風龜五曰二十八宿龜

淮南子天文訓北斗之神有雌雄十一月始建於子月從一辰雄左行雌右行五月合午謀刑十一月合子謀德太陰所居辰爲厭日厭日不可以舉百事堪輿徐行雄以音知雌故爲奇辰數從甲子始子母相求所合之處爲合十日十二辰周六十日凡八合合於歲前則死亡合於歲後則無殃甲戌燕也乙酉齊

也丙午越也丁巳楚也庚申秦也辛卯戎也壬子趙也癸亥胡也戊戌己亥韓也己酉己卯魏也戊午戊子八合天下也太陰小歲星日辰五神皆合其日有雲氣風雨國君當之

日月之淫爲精者爲星辰

隆形訓八九七十二主偶偶以承奇奇主辰辰主月月主馬馬故十二月而生七九六十三三主斗斗主犬犬故三月而生三九二十七七主星主虎虎故七月而生

本經訓星月之行可以歷推得也

齊俗訓夫乘舟而惑者不知東西見斗極則寤矣

詮言訓星列于天而明故人指之

修務訓攝提鎮星日月東行而人謂星辰日月西移者以大氏爲本

海內十洲記臣自少及今周流六天廣陟天光極於是矣未若凌虛之子飛真之官上下九天洞視百萬

北極勾陳而并華蓋南翔太丹而棲大夏東之通陽之霞西薄寒穴之野日月所不逮星漢所不與其上

無復物其下無復底臣所識乃及於是愧不足以酬廣訪矣

揚子學行篇祝日月而知衆星之小也仰聖人而知衆說之小也

後漢書楊秉傳太微積星名爲郎位入奉宿衛出牧百姓

白虎通輅者震之氣也上應昴星以通王道故謂之輅也

君有衆民何法法天有衆星也

論衡偶會篇火星與昴星出入昴星低時火星出昴星見時火星伏非火之性厭服昴也時偶不並度轉乖也

靈憲三公在天爲三台九卿爲北斗

四民月令三月昏參星夕杏花盛桑葉白又河射角

堪夜作昴星沒水生骨

參同契明辨邪正章是非歷臟法內觀有所思履行

步斗宿六甲以日辰

卯酉刑德章二月榆落魁臨於卯八月麥生天罡據

酉

法象成功章法象莫大乎天地今元溝數萬里河鼓

臨星紀分人民皆驚駭又循斗而招搖兮執衡定元

紀又青龍處房六兮春華震東卯白虎在昴七兮秋

芒兌西酉朱雀在張二兮正陽離南午三者俱來朝

分家屬爲親侶

獨斷六神之別名風伯神箕星也其象在天能典風

雨師神畢星也其象在天能典雨明星神一曰靈星

其象在天舊說曰靈星火星也一曰龍星火爲天田

管輅別傳清河令徐季龍字開明有才機與輅相見

共論龍動則景雲起虎嘯則谷風至以爲火星者龍

參星者虎火出則雲應參出則風到此乃陰陽之感

化非龍虎之所致也

抱朴子內篇命之修短實由所值受氣結胎各有星

宿天道無爲任物自然無親無疎無彼無此也命屬

星生則其人必好僂道好僂道者求之亦必得也命

屬死星則其人亦不信僂道則亦不自修其事也

若忽偶忘守一而爲百鬼所害或臥而騰者即出中

庭視輔星握固守一鬼即去矣若夫陰雨者但止室中向北思見輔星而已

登涉符籙或問曰辟山川廟堂百鬼之法抱朴子曰

有老君黃庭中胎四十九真祕符入山林以甲寅日

丹書白素夜置案中向北斗祭之以酒脯各少少自

說姓名再拜受取內衣領中辟山川百鬼萬精虎狼

蟲毒也

枕中書昔二儀未分溟滓鴻濛下無山嶽上無列星

古今注吳皇帝有寶劍六四曰流星

零陵先賢傳劉先生欲遺周不疑就劉巴學巴曰昔

游荆北時涉師門問之學不足紀名猶天之南箕

虛而不用賜書乃欲賢甥摧鸞鳳之翮游燕雀之宇

將何以啓明之哉

蜀志星應與鬼故君子精敏小人鬼黠

郭江上西有宋平橋長老傳言李冰造七橋上應七

星故世祖謂吳漢曰安軍宜在七星間

湘中記宿當軫翼度應機衡故曰衡山

拾遺記指星麥四月火星出麥熟而穫之

員嶠西有星池千里池中有神龜八足六服背負七

星日月八方之圖腹有五岳四瀆之象時出石上望

之煌煌如列星矣

須彌山對七星之下出碧海之中

金樓子星如玉李月月上金波

顏氏家訓日爲陽精月爲陰精星爲萬物之精儒家

所安也星有陰落乃爲石矣精若是石不得有光性

又質重何所繫屬一星之徑大者百里一宿首尾相

去數萬百里之物數萬相連闊狹從斜常不盈縮又

星與日月形色同爾但以大小爲其等差然而日月又當石也石既牢密烏免焉容石在氣中豈能獨運日月星辰若皆是氣氣體輕浮當與天合往來環轉不得錯違其間遲疾理宜一等何故日月五星二十八宿各有度數移動不均寧當氣堅忽變爲石

隋書禮志乾象輦羽葆圓蓋畫日月五星二十八宿西陽雜俎舊說野狐名紫孤夜擊尾火出將爲怪必戴鬻體拜北斗鬻體不墜則化爲人矣

何諷於書中得一髮捲規四寸許如環而無端方士曰此名脉望蠹魚三食神仙字則化爲此夜從規中望星星立降

燕公常讀其夫子學堂碑頌頭自帝車至太甲四句悉不解訪之一公一公言北斗建午七曜在南方有是之祥無位聖人當出華蓋已下卒不可悉

杜陽雜編大軫國貢重明枕神錦象碧麥紫米云其國在海東南三萬里當軫宿之位故曰大軫國

因話錄祕書省內有落星石

嘉話錄五星惡浮圖佛像今人家多圖畫五星稜於佛事或謂之禳災真不知也

雲仙稜記人能盡數天星則偏知棋勢

續博物志律歷志云角一十二度亢九氏十五房五心五尾十八箕十一斗二十六牛八女十二虛十危十七營室十六壁九奎十六婁十二胃十四昂十一畢十六觜二參九井三十三鬼四柳十五星七張十八翼十八軫十七此三百五度二十八宿之度也丑爲星紀初斗十二度終于婺女七度子爲元枵初婺女八度終于危十五度亥爲姤觜初危十六度終

于奎四度戌爲降婁初李五度終于胃六度酉爲大梁初胃七度終于畢十一度申爲實沈初畢十二度終于井十五度未爲鶉首初井十六度終于柳八度午爲鶉火初柳九度終于張十七度巳爲鶉尾初張十八度終于軫十一度辰爲壽星初軫十二度終于氏四度卯爲大火初氏五度終于尾九度寅爲析木初尾十度終于斗十一度

八分二十八宿爲十二次晉灼曰太歲在四仲則歲行三宿太歲在四孟四季則歲行二宿二十八宿六十三四十二而二十八宿十二歲而周天是歲星年行一次也

二十八宿爲其有二十八星當度故立以爲宿推測者多變如畢有十七度半觜十度星既不當度自不當用爲宿星度皆以赤道爲法黃道則有邪有直與赤道不等

月令曰椒是玉衡星精服之身輕

尚書故實某經云佛教上屬鬼宿蓋鬼神之事鬼暗則佛教衰矣吳先生嘗稱有靈鬼錄佛乃一靈鬼耳兼明書鄭康成云北斗天皇大帝其精生人凡稱皇者皆得天皇之氣又云五帝者仰合五帝星也鄭康成以黃帝少昊顓頊帝嚳唐堯虞舜爲五帝六人而云五帝者以其俱合五帝星也

化書伏應者必役五星之精苟役不至應何以伏

樂府古題星名據天文志所載也

北夢瑣言黃錄壇場辰星備位顧雲博士爲高燕公草齋詞云天靜則星辰可摘奇險之句施於至敬可乎

玉溪編事南詔以十二月十六日謂之星回節日遊于避風臺命清平官賦詩

聞見後錄或謂胡宿于上曰宿名當爲去聲乃以入聲稱名尚不識豈堪作詞臣上以問宿宿曰臣名歸宿之宿非星宿之宿諧者又曰果以歸宿取義何爲字拱辰也故後易字武平

易潛虛衆星拱極萬矢漆的必不可易

嬾真子二十八宿今韻略所呼與世俗所呼往往不同韻略宿音繡亢音剛氏音低觜音昔皆非也何以言之二十八宿謂之二十八舍又謂之二十八次也舍也皆有止宿之意今乃音繡此何理爾雅云壽星角亢也注云數起角亢列宿之長故有高亢之義今乃音剛非也爾雅天根氏也注云角亢下繫於氏若木之有根其義如周禮四圭有邸漢書諸侯上邸之邸音低誤矣西方白虎而觜參爲虎首故有觜之義音昔誤矣彼韻略不知但欲異於俗不知害於義也學者當如其字呼之

僕友司馬文季朴極知星營云前漢天文志牽牛爲犧牲其北河鼓大星上將左右星左右將此說非也且何鼓乃牽牛也今分爲二則失之矣爾雅云何鼓謂之牽牛注云今荆楚人呼牽牛爲檐鼓檐者何也蓋此星狀如鼓左右兩星若檐鼓之狀故謂之何鼓何者如何天之休之何人但見何鼓在天潢之間故易謂河非也

夜夢神官與我言羅縷道妙角與根提攜陬維口淵翻百二十刻須臾間右退之記夢詩殊爲難解僕嘗考之此乃言二十八宿之分野也爾雅曰壽星角亢

也注云數起高亢列宿之長又曰天根氏也注云下繫于氏若木之有根輒訾之口營室市壁也注云營室東壁星四方似口故以名之所謂百二十刻者蓋渾天儀之法二十八宿從右逆行經十二辰之舍次每辰十二刻故云百二十刻

南方朱鳥蓋未為鶉首午為鶉火已為鶉尾天道左旋二十八宿右轉而朱鳥之首在西故先曰未次曰午卒曰日也然南方七宿之中四宿為朱鳥之象漢天文志柳為鳥喙星為鳥頸張為鳥嗉翼為鳥翼或問朱鳥而獨取于鶉何也僕對曰朱鳥之象止于翼宿而不言尾有似于鶉故以名之然謂之鶉尾者嘗問元城先生先生曰蓋以翼為尾云故甘氏星經云鳥之闕疎其尾鶉之闕疎其翼以此知之

僕嘗問元城先生先儒註太元經每首之下必列二十八宿何也先生曰周天二十八宿三百六十五度四分之二而太元經凡七百二十九贊乃此數也世言五角六張謂五日遇角宿六日遇張宿此兩日作事多不成然一年之中不過三四日紹興癸丑歲只三日四月五日角七月二十六日張十月二十五日角多不過四日他皆倣此

夢溪筆談天魁者斗魁第一星也斗魁第一星抵于戌故曰天魁從魁者斗魁第二星也斗魁第二星抵于酉故曰從魁

皇祐中禮部試錢衡正天文之器賦舉人皆襍用渾象事試官亦自不曉第為高等漢以前皆以北辰居天中故謂之極星自祖亘以錢衡考驗天極不動處乃在極星之末猶一度有餘熙寧中予受詔典領曆

官襍考星曆以錢衡求極星初夜在窺管中少時復出以此知窺管小不能容極星遊轉乃稍稍展窺管候之凡歷三月極星方遊于窺管之內常見不隱然後知天極不動處遠極星猶三度有餘每極星入窺管別書為一圖圖為一圓規乃畫極星于規中其初夜中夜後夜所見各圖之凡二百餘圖極星方常循圓規之內夜夜不差

東坡志林退之詩云我生之辰月宿直斗乃知退之磨蝎為身宮而僕乃以磨蝎為命平生多得謗言殆是同病也

月犯少微吳中高士求死不得人之好名有甚於生者

玉川子作月蝕詩云歲星坐福德官爵奉董秦忍使黔婁生覆口無衣巾

物類相感志輔星北斗星柄第二星旁一小星人若不見此星者死不久雜組中說曾有人不見數月而死

地之將動鉤鈴開鈴即房星上垂三星若磔開則始震盛張大則動漸合則止

後山詩話韓退之上尊號表曰析木天街星宿清潤北嶽暨閭神鬼受職曾子賀赦表曰鉤陳太微星緯咸若崐崙瀚海濤波不驚世莫能輕重之也後當有知之者

毛詩名物解三五曆曰星者元氣之精蓋積氣之中有光耀者也星精也月魄也雲魂也釋名曰祭雨曰升祭星曰布升取其氣之升也布取其象之布也書曰卿士惟月庶人惟星言卿士之證月是也庶人之

證星是也月之好惡從星而已故月之從星則以風雨詩曰月離于畢俾滂沱矣此之謂也蓋役久病於外則天下幸亂卿士下比於民莫肯念難適能使難滋大而已故是詩取譬如此詩曰嚙彼小星三五在東眾無知者三心五嚙四時更見日月夫婦之象也則三星以况姪娣而小星當賤妾蓋諸侯一娶九女姪娣與嬪而八故詩正以三五况之三星以春見於東方最先見者五嚙以冬見於東方最後見者賤妾之進御於君也猶之小星隨此三五先後更見於天不見陵掩則以夫人之惠下故也然進御之法姪娣兩兩當夕故詩又以參昴况之參昴二星也而又皆西方之星其在於東則以夕並見而小星隨焉夫月也大星也小星也各以其分夜見于天則夫人惠及賤妾豈特人事而已哉堯典春曰日中星鳥夏日日永星火秋曰宵中星虛冬曰日短星昴或言星鳥或言星火或言星虛或言星昴相備也蓋聖人南面視四星之中言星鳥則以見四星之形也言星火則以見四星之次也先儒以為四方七宿各成一形東方成龍西方成虎前成鳥形後成龜形所謂在天成象在地成形是也傳曰龜與蛇交謂之元武則元武七星室壁具龜蛇之形不獨成龜形而已以今垂象考之虛危前以象蛇室壁象龜梓慎所謂宋鄭其飢乎今蛇乘龍是也蛇蓋虛危之星考工記曰龍旂九旂以象大火也鳥旂七旂以象鶉火也熊旂七旂以象伐也龜蛇四旂以象管室也四旂變言龜蛇亦以元朔道之所在龜蛇相成異乎三方不可謂之龜旂故也爾雅曰氏天根也國語曰天根見而水涸本見

而草木解駟見而阻霜火見而清風戒寒天根亢也本氏也駟房也火心也爾雅曰營室謂之定傳曰營室之中土功其始說以爲定昏見而中然後可以營建宮室故亦謂之營室詩曰定之方中作于楚宮揆之以日作于楚室是也傳曰度日出入以知東西南視定北準極以正南北謂之營室又非定取其時而已禮運曰日星以爲紀故事可列也蓋以爲龍見而零水昏見而裁若此之類所謂日星爲紀者也

北斗七星輔一星一至四爲魁五至七爲杓所以運量萬物莊子所謂維斗得之終古不忒者也斗有環域太元曰斗一南而萬物盈斗一北而萬物虛言物豐於纁夏耗於元冬隨斗轉從而已鵲冠子曰斗運於上事立於下斗指一方四寒俱威此之謂也易曰豐其蔀日中見斗又曰豐其沛日中見沬沬蓋星之激者蔀之輔星理或然也孔子曰豐其蔀位不當也日中見斗幽不明也然則日中見斗尙非所宜日中見沬尤非所宜也蓋三應上非所宜應而應焉非所宜應而應焉此昏所以更出於四也詩曰曾孫維主酒醴維醑酌以大斗以祈黃耆疊取象於雷斗取象於斗燕禮曰王燕則宰夫爲獻主臣莫敢與君亢禮今此會孫維主更以大斗酬之則以尊事黃耆非禮之正也非禮之正則亦所以爲厚也郊特牲曰郊之祭也大報天而主日主日則明王者不敢主天與膳夫燕主同義

黃氏筆記北斗垣內星南斗二十八宿之一宿羽流列祠爲二斗非也南斗於次爲星紀在正北人以其見必於南故謂之南斗以別北斗耳若所謂斗覆爲

豐年者乃天市垣之斗斛星又非此二斗也竹坡詩話凡詩人作語要令事在語中而人不知余讀太史公天官書天一槍格矛盾動搖角大兵起杜少陵詩云五更鼓角聲悲壯三峽星河影動搖蓋暗用遷語而語中乃有用兵之意詩至于此可以爲王也

六經奧論天文總辨愚嘗傳九章之祕術得鈎股之法參攷靈臺之章推測儀象之度而獲觀一書所謂鬼料竅者有歷代諸史志之所未載古今諸圖像之所未述使李淳風得之必志於晉使于志寧得之必志於隋使我朝劉義叟得之必志於宋是書出於隋傳於唐至於我朝始入司天監術家祕之不顯其名目之以鬼料竅世之得見者鮮矣其實則一步天歌也唐書以爲王希明所作而實非希明也隋有丹元子隱士之流也作其歌沒其名至唐希明則引漢晉二志以釋之而非出於希明也是書一出漢晉二志號爲精天文者皆未足以盡天文何也蓋古今天文志徒有星名而大小未得其象古今天文圖徒有星形而遠近未得其信如步天歌則句中有圖言下見象不言休祥而深知休祥者鄭夾深先生嘗得其書而讀之於時素秋無月清夜如水長誦一語疑目一星不三四夜一天星斗盡萃其胷中矣夫不使志於晉志於隋志於唐而獨傳於我宋者則我朝一代之大典不待蔡邕作於漢劉知幾作於唐而筆削已定矣

容齋隨筆今人梅花詩詞多用參橫字蓋出柳子厚龍城錄所載趙師雄事然此實妄書或以爲劉無言

所作也其語云東方已白月落參橫且以冬半視之黃昏時參已見于丁夜則西沒矣安得將旦而橫乎秦少遊詩月落參橫畫角哀暗香消盡令人老承此誤也唯東坡云紛紛初疑月挂樹耿耿獨與參橫昏乃爲精富老杜有城擁朝來客天橫醉後參之句以全篇攷之蓋初秋所作也

宋蒼梧王當七夕夜令楊玉夫伺織女渡河曰見當報我不見當殺汝錢希白洞微志載蘇德母爲徐肇祀其先人曰當夜半可已蓋俟鬼宿渡河之後翟公異作祭儀十卷云或祭於昏或祭於旦皆非是當以鬼宿渡河爲候而鬼宿渡河常在夜中夜必使人仰占以俟之葉少蘊云公異博學多聞援證皆有據不肯碌碌同衆所見必過人予按天上經星終古不動鬼宿隨天西行春昏見于南夏晨見于東秋夜半見于東冬昏見于東安有所謂渡河及常在中夜之理織女昏晨與鬼宿正相反其理則同蒼梧王荒悖小兒不足笑錢翟葉三公皆名儒碩學亦不深攷如此杜詩云牛女漫愁思秋期猶渡河牛女年年渡何曾風浪生梁劉孝儀詩云欲待黃昏至含嬌淺渡河唐人七夕詩皆有此說此自是牽俗遺詞之過故杜老又有詩云牽牛出河西織女處其東萬古永相望七夕誰見同神光竟難候此事終朦朧蓋自洞曉其實非他人比也

容齋續筆天生對偶如北斗七星三四點南山萬壽十千年之類是也容齋三筆律書引二十八宿謂柳爲注畢爲濁昂爲留亦見于毛詩注及左氏傳如詩謂營室爲定星也

容齋四筆二十八宿首秀若考其義則止當讀如本音嘗記前人有說如此說苑辯物篇曰天之五星運氣于五行所謂宿者日月五星之所宿也其義昭然

讀書偶見字亦有義田家耕用亥日蓋亥日之地直上是天倉星以建辰月祭靈星以求農耕靈星是天田星在于辰位故農字從辰

釋常談兄弟不和夫婦不睦皆謂之參商也左傳曰昔高辛氏有二子長曰閼伯次曰實沉居于曠林皆不相善日尋干戈以相征討后帝不減遷閼伯于商丘主辰星遷實沉于大夏主晉星故謂之參商

讀書稌鈔星有好風星有好雨洪範注止言箕好風畢好雨月令正義乃謂按鄭注洪範中央土氣爲風東方木氣爲雨箕屬東方木木尅土尚妃之所好故箕星好風西方金氣爲陰尅東方木木爲妃畢屬西方尙妻之所好故好雨也謂孟春行秋令申氣乘寅兩相衝破申來逆寅寅爲風風之被逆故爲姦風寅往破申申爲雨雨之被逆故爲暴雨

西溪叢語諺云乾星照濕土來日依舊雨王建聽雨詩云半夜思家睡裏愁雨聲落落屋簷頭照泥星出依然黑淹爛庭花不肯休

八師經吾聞佛道厥義弘深巍巍堂堂猶星中月雲麓漫抄翟公撰祭儀謂或祭于昏或祭于旦非是當以鬼宿渡河爲候其意出于洞微志返魂香事是捨三代聖人之說取不根之言可乎

漢都城縱廣各十五里周六十五里十二門八街九陌城之南北曲折有南斗北斗之象

悅生隨抄嘗見龍頸骨中髓皆是白石虎目光落地亦成白石星光氣也落則成石萬物變化不可以一概斷

玉海唐虞二典商盤周誥之文垂裕萬世炳若日星又箕宿禡牙狼星斂角

雲烟過眼錄金冠一甚大并顙仰簪共用黃金二十五兩前爲北斗後爲南斗每面嵌紫金捺千五粒斗星皆大銳珠大如彈者爲之通計大白珠三十四粒顙仰如意簪亦嵌大珠

感應經梟避星名周禮哲族氏掌覆妖鳥之巢以方書十日之號十有二辰之號十有二月之號十有二歲之號二十有八星之號縣其巢上則去之

桂海巖洞志樓霞洞在七星山七星山者七峰位置如北斗又一小峰在傍曰輔星

雲谷雜記史記周紀武王上祭于畢馬融云畢文王墓地名也司馬真索隱曰按文有上字當作畢星予按後漢蘇竟傳畢爲天下主網羅無道之君故武王將伐紂上祭于畢求天助也據此則畢爲畢星甚曉然馬融墓地之說非矣惜乎索隱不能引此爲證

癸辛雜識七夕牛女渡河之事古今之說多不同非惟不同而二星之名莫能定荆楚歲時記云黃姑織女時相見太白詩云黃姑與織女相去不盈尺是皆以牽牛爲黃姑然李後主詩云迢迢牽牛星杳在河之陽粲粲黃姑女耿耿遙相望若此則又以織女爲黃姑何耶然以星曆攷之牽牛去織女隔銀河七十二度古詩所謂盈盈一水間脉脉不得語又安得如太白相去不盈尺之說又歲時記則又以黃姑卽河

鼓爾雅則以河鼓爲牽牛又焦林大斗記云天河之西有星煌煌與參俱出謂之牽牛天河之東有星微在氏之下謂之織女晉天文志云河鼓三星卽天鼓也牽牛六星天之關梁又謂之星紀又云織女三星在天紀東端天女也漢天文志又謂織女天之貞女其說皆不一至於渡河之說則洪景廬辨析最爲精當蓋渡河乞巧之事多出於詩人及世俗不根之論何可盡據然亦似有可怪者楊繼翁大卿倅湖日七夕夜其侍姬田氏及使令數人露坐至夜半忽有一鶴西來繼而有鶴千百從之皆有仙人坐其背如畫圖所繪者綵霞綉紵數刻乃沒楊卿時已寢姬急報起而視之尚見雲氣紛紛之狀然則流俗之說亦有時而可信耶

伯機云揚州分野正直天市垣所以兩浙之地市易浩繁非他處之比此說甚新又術者云近世乃下元甲子用事正直天市垣所以人多好市井謀利之事

賓退錄漢建安二十四年吳將呂蒙病孫權命道士于星辰下爲請命醮之法當本于此顧況詩飛符超羽翼焚火醮星辰姚鵠詩羅磴靜攀雲共迴雷壇當

醮月孤明李商隱詩通靈夜醮達清晨承露盤曉甲帳春趙殿詩春生藥圃芝猶短夜醮齋壇鶴未回醮之禮至唐盛矣隋煬帝詩迴月迴三洞清心禮七真馬載詩三吏禮星斗七七服丹霜薛能詩符呪風雷

惡朝修月露清此言朝修之法也然陳羽步虛詞云漢武清齋讀鼎書內官扶上書雲車壇上月明宮殿閉仰看星斗禮空虛漢武帝時已如此

蠡海集紫閭色而天垣稱紫微豈非寓意之精乎夫

紫之爲色赤與黑相合而成也水火相交陰陽相感而後萬物以之而爲生萬物以之而爲生是故爲萬物之主宰矣

紫色乃水火陰陽相交既濟流通之義也故天垣曰紫宮又曰紫微者紫宮微妙之所也是以天子之居亦曰紫宸面南拱北之情合矣

馬生北方秋自北而南春自南而北蓋歷七政所行以順其情夫秋分已後循昂畢觜參之位春分已後循房心尾箕之位得乎右轉之氣實陰鳥而稱陽北斗位北而得七爲火之成數南斗位南而得六爲水之成數此乃陰陽精神交感之義也

天者金之體星者金之精氣降于天則爲雨氣出于地則爲泉

羅喉計都爲天之首尾逆行於天與天同道故也

北斗居亥以亥爲正天門三合臨卯未故以陀羅擎羊當之卯爲春木旺鄉故陀羅托桃花未爲羊故擎羊托羊首也又斗位於北所理在于天南故使者有擎羊陀羅之像蓋陀羅托桃花者桃之爲物花實俱赤文明離午之義也擎羊托羊首者未肖也斯所以寓意在焉又陀羅花名故在手托之猶擎羊之托羊首也

貴耳集徐肇祀其先人曰當夜半可祭蓋俟鬼渡河之後作祭儀十卷云或祭于昏或祭于旦皆非所以鬼宿渡河爲候而鬼宿渡河之後作祭儀十卷云或祭常在中夜必使人仰占俟之葉少蘊云公異博學多聞援證有據必不妄發惟洪文敏不然其說但載牛女渡河之說用少陵詩或者又曰鬼渡蕭關則祭

二者當與知禮者質之

天道尚左星辰左轉

遊宦紀聞沉芷黎溪硯紫者類端石而無眼有金束腰眉子紋間有潤者其初甚發墨久而復滑或磨以細石乃仍如新有色彩而花紋如水波者有色彩而金星者有生自然銅子石中琢以爲北斗三台之類者

墨莊漫錄杜甫有云星落黃姑渚秋辭白帝城之句說者但見古詩云東飛伯勞西飛燕黃姑織女時相見意謂姑乃牽牛然不見其所出不曉黃姑之說故楊億大年荷花詩云舒女清泉滿黃姑別渚通劉筠子儀七夕詩云伯勞東翥燕西飛又報黃姑織女期大年和云天孫已度黃姑渚阿母還來漢帝家皆用此事予後讀緯書始見引張平子天象賦云河鼓集軍以嘈噴張茂先李淳風等注云河鼓三星在牽牛星北主軍鼓蓋天子三軍之象昔傳牽牛織女見此星是也故爾雅何鼓謂之牽牛又古詩云東飛伯勞西飛燕黃姑織女時相見黃姑即河鼓也音訛而然今之學者或謂是列舍牽牛而會織女故於此析其疑又張茂先小家賦曰九坎至牽牛織女期河鼓石鍊注云河鼓星在牽牛北天鼓也主軍鼓主鉄鉞李淳風云自昔相傳牽牛織女七月七日相見者乃此星也予因此始知黃姑乃河鼓爲牽牛之別名昔人云開卷有益信然

鼠璞六曹尚書用星履屐履熟事也二出處皆不可用漢鄭崇爲尚書僕射曳革履上曰我識鄭尚書履聲乃僕射事唐韋見素爲吏部侍郎杜甫詩曰持衡

留漢盤聽履上星辰乃吏部侍郎事

今以六曹尚書爲文昌按天官書斗魁戴匡六星曰文昌宮上將次將貴相司命司祿司災後漢志謂出納王命敷奏萬機乃文昌天府李固云尚書猶天之北斗令及左丞總領綱紀僕射右丞分掌庶政是也漢又有錄尚書事令錄僕丞總以尚書言之即今尚書省古納言職也本朝令錄不置有二僕二丞自更官制以左右僕射左右丞爲宰執即中興後之左右相及參政六曹分職既非尚書省長貳迺稱曰文昌是文昌宮之將相反爲列曹之屬矣

酒譜酒三星在女御之側後世爲天官者或考焉予謂星麗乎天雖自混元之判則有之然事作乎下而應乎上推其驗於某星此隨世之變而著之也如宦者墳墓弧矢河鼓皆太古所無而先有是星推之可以知其類

木經望筒書望以筒指南今日景透北夜望以筒指北干筒南望令前後兩竅內正見北辰極星然後各垂繩墜下記望筒南竅心於地以爲南則四方正席上腐談二十八宿有房日兔畢月烏丹書云烏月兔蓋謂日月之交也易以離爲日陽中有陰也坎爲月陰中有陽也

燕石集七夕前數日種麥于小瓦器爲牽牛星之神謂之五生盆

欽定古今圖書集成曆象彙編乾象典

第六十二卷目錄

星辰部雜錄二

星辰部外編一

乾象典第六十二卷

星辰部雜錄一

明會典儀衛木星旗一面青質織木星一及木字火星旗一面赤質織火星一及火字土星旗一面黃質織土星一及土字金星旗一面白質織金星一及金字水星旗一面黑質織水星一及水字角星旗一面織角宿二及角字自此至軫宿旗皆青質亢星旗一面織亢宿四及亢字氏宿旗一面織氏宿四及氏字房宿旗一面織房宿四鈎連二小星在旁及房字心宿旗一面織心宿三及心字尾宿旗一面織尾宿九神宮小星一及尾字箕宿旗一面織箕宿四及其字斗宿旗一面織斗宿六及斗字牛宿旗一面織牛宿六及牛字女宿旗一面織女宿四及女字虛宿旗一面織虛宿二及虛字危宿旗一面織危宿三及危字墳墓四星在下室宿旗一面織室宿二及室字離宮六星在旁壁宿旗一面織壁宿二及壁字奎宿旗一面織奎宿十六及奎字婁宿旗一面織婁宿三及婁字胃宿旗一面織胃宿三及胃字昂宿旗一面織昂

宿七及昂字畢宿旗一面織畢宿八及畢字附耳一星在旁觜宿旗一面織觜宿三及觜字參宿旗一面織參宿七及參字玉井四小星在足下伐三星在內井宿旗一面織井宿八及井字鉞一星在旁鬼宿旗一面織鬼宿四及積屍氣一井鬼字柳宿旗一面織柳宿八及柳字星宿旗一面織星宿七及星字張宿旗一面織張宿六及張字翼宿旗一面織翼宿二十二及翼字軫宿旗一面織軫宿四及軫字長沙一星在中左右轄二星在旁北斗旗一面黑質三邊黃欄黑腰火儀間綵脚旗織北斗星七及北斗二字輔星一在旁

御龍子集三垣其以形乎四維其象乎形存而神以寓乎象存而氣以貫乎占天者何亦時中耶

十二象二十八舍之說其起一人乎其識緯之鑿天

乎鄭之僑末之聞鄒衍亦未之聞

四維以龍鳳龜虎象古矣龍則爲虎爲兔爲龍鳳則爲蛇爲馬爲羊虎則爲猴爲鴛爲狗龜則爲猪爲鼠

爲牛類耶若虎與豹鄰兔與狐貉鄰龍與蛟鄰蛇與

蜥鄰馬與犴鹿鄰羊與犴猴與猿鄰雞與雉鳥鄰

狗與狼鄰猪與獢鄰鼠與蝠鄰牛與解鄰類矣從

其方耶

七曜舊矣四餘其何昉乎羅計黃白道之交路也日月集之故相掩世謂羅計爲黑煞是食二曜誣天耶

元枵姬警之名其起中古乎堯之授時無有也後之

雙女磨蝎愈下矣

析木天津之起乎由箕尾而井鬼橫互紫微之傍有

川流之象焉實沈豈其尾閭耶天漢天之微瑕哉純

陽之夾滯陰耶一縷之難爲章于天不雜不章陰陽之自然乎傳說王良造父因人以命星耶因星以命人耶蒙莊甘石互襲而爲之耶宿度廣狹其誰疆之耶井斗何德而背鬼何拙耶後世何惡而更奪乎觜耶經星分野無四夷九州之外復有九州乎有則地廣而天狹日月羣星之主耶日月二星何爲乎其甘石之強名耶

北斗之側有大理紫微之垣又有大理天其慎重刑獄耶

一司空也奎軫兩見一將軍也婁氏兩見一天田也角牛兩見民力民命民食固天所重乎

紫微之有天棣也太微之有郎將也天市之有車肆也一也天之備不虞也周哉

紫微之二樞角宿之一衡其得斗之一體乎氣分而

用小

枝山前聞下洋兵鄧老謂予言向歷諸國唯地上之物有異耳其天象大小遠近顯晦之類雖遠國視之

一切與中國無異予因此益知舊以二十八舍分隸

中國之九州者爲謬也

丹鉛總錄尚書星有好風星有好雨古注云箕星東方宿也東木克北土以土爲妻雨土也土好雨故箕

星從妻所好而多雨也畢西方宿也西金克東木以

木爲妻木風也木好風故畢星從妻所好而多風也

由此推之則北宮好燠南宮好暘中央四季好寒皆

以所克爲妻而從妻所好也予一日偶述此義座有

善謔者應聲曰天上星宿亦怕老婆乎滿堂皆大笑又曰雷電在室南霹靂在雷電南雲雨在霹靂南土工更在壁西南蓋雷公電姥雲將雨師與夫霹靂斧吏皆北方水府之精而頗譽爲天門故其神棲焉室不得而司之也

石氏云東宮青帝其精蒼龍爲七宿其象有角有亢有氏有房有星有尾有其氏胃房腹箕所養也司春司木司東嶽司東方司鱗蟲三百六十北方黑帝其精元武爲七宿斗有龍蛇蟠結之象牛蛇象女龜象虛危壁皆龜蛇蟠蚪之象司冬司水司北嶽司北方司介蟲三百六十西方北帝其精白虎爲七宿奎象白虎婁胃昂虎三子也畢象虎觜參象麟觜皆參身也司秋司金司西嶽司西方毛蟲三百六十

南方赤帝其精朱鳥爲七宿井首鬼目柳象星頸張喙翼翻軫尾司夏司火司南嶽司南海司南方羽蟲三百六十左傳史記天官書喙作喙味張即柳張兩星之間也隋志喙作注又有注張之文或訛爲注張皆本於石氏柳爲鳥喙之說王奕曰朱鳥其以羽蟲之長稱乎而曰鵠首鵠尾何也師曠禽經青鳳謂之鵠赤鳳謂之鵠白鳳謂之鵠紫鳳謂之鸞蓋鳳生于丹穴鵠鳳之赤者故南方取象焉考之月令夏其蟲羽鳳羽之長故南方之宿爲朱鳥吳興沈氏以朱鳥爲丹鵠豈知四獸皆蟲之長也鴻之微何預

余嘗疑天有五行星有五緯地有五嶽人有五事而二十八宿何獨無中央之宿也後觀石氏星經云中宮黃帝其精黃龍爲軒轅首枕星張尾掛柳井體映三台司四季司中嶽司中土黃河江漢淮濟之水司

黃帝之子孫司倮蟲三百六十則固有所謂中宿矣又按張衡靈憲蒼龍連蜷於左白虎猛據於右朱雀奮翼於前靈龜龜眷於後軒轅黃龍於中則是軒轅一星與蒼龍白虎朱雀元武四獸爲五矣世之言星者惟知四獸而不知黃龍是求之未盡也亦猶民俗惟知四時而不知夏之後有土位素問所謂長夏月而在張宿之分野取火季夏取槐檀之火也軒轅本市垣之星今所謂中央五時分爲土德寄王鶉火亦由是也張衡又云軒轅如龍之體主雷雨之神後宮之象焉陰陽交合盛爲雷激爲電和爲雨怒爲風亂爲霧凝爲霜散爲露聚爲雲立爲虹蜺離爲背商分爲抱珥此十四變皆軒轅主之亦猶土之無定位而金木水火賴以成興

甘氏曰日一星在房之西氏之東日者陽精之宗也爲鶉二足爲鳥三星鶉在日中而鳥之精爲星以司太陽之行度日生於東故於是位焉月一星在畢畢間故畢畢之間爲天街黃道之所經也月者陰精之宗也爲兔四足爲蟾蜍三星兔在月中而蟾蜍之精爲星以司太陰之行度月生於西故於是位在焉日精在氏房月精在畢畢自司其行度而氏房昂畢乃黃道之所經不得而司之

劉晝新論云微子感牽牛星顏淵感中台星張良感孤星樊噲感狼星其說皆出讖緯薛應旂江郎山志觀星山高一百八十丈巋然爲衆山之宗登其巔白日可觀星辰見聞授玉二十八宿分屬十有二州星家相傳若此然求其說而難通夫天常運而不息地一成而無變

以至動求合至靜未易以齊此其難通者一也若以爲形象所主必有相當氣類之應乃出自自然不應各有八度之限况天之一度當地之二千九百餘里則天大而地小九礙脗合此其難通者二也且以輿地言之閩粵交廣通謂之揚州實當中國之半而分星所屬止此此又地廣而天狹矣此其難通者三也姑記所疑以俟

趙雲洲云凡遇戊午己未日必變雨或遇元畢二宿直日則可免餘宿不能免戲瑕三公象五岳九卿法河海三公象三台九卿法北斗春秋漢合參載此今世獨尚書稱北斗外藩諸侯得稱四岳與古異矣

退朝錄祕府書畫予盡得觀之有梁令瓚二十八宿眞形圖

芥隱筆記三輔黃圖長安故城城南爲南斗形城北爲北斗形故號斗城何遜咸陽詩云城斗疑連漢老杜秦城近斗杓秦城北斗邊北斗故臨城而秦中詩秦城依北斗鄂樹發南枝乃秦城耳劉夢得望賦亦云城依斗兮闌干

東坡詩斯人乃德星遣出虛危間用樂天德星降人福時雨助歲功福似歲星移望如時雨至意

農田餘話古曆五星皆順行至秦始有金火之逆漢初測候五星皆有逆故班氏謂周之末造人紀不修師旅數起五緯如失常矣

脈望靈寶經云七日七夜諸天日月星宿一時停輪此皆以神氣凝集陰陽混合於空洞之中目不瞬心寂定爲是

金臺紀聞北人驗時以天明三星入地爲河凍之候正月丙寅冬至在十一月二十八日都下寒最遲而河亦遲凍是月望日與諸吉士早朝共試觀之黎明三星正入地而河水亦適合云

水南翰記古法鑿井者先貯盆水數十置所欲鑿之地夜視盆中有大星異衆者鑿之必得甘泉

濱行紀略滇南日月與星比別處倍大而更明羣碎錄天田星爲靈在辰位故農字從辰

三垣二十八宿中外官計二百八十三座一千五百六十五星皆守常位是謂星

雲夢藥溪談天官鉞北北河南南河兩河天關間爲關梁蓋北河南河皆星名各三星而正義又曰關五

二星在河南天子之雙闕諸侯之兩觀亦象魏縣書之府予謂黃河應天漢而洛京之南爲伊闕伊闕古

所謂闕塞蓋雙闕也老杜龍門奉先寺詩天關象緯逼雲臥衣裳冷蓋謂伊闕應天關云爾而解者忽漫

不詳雲臥者伊陽之北山即鳴皋之派長殆百里如雲臥然龍門南直臥雲或云然老杜精核按天官地

紀而命辭恐非漫拈語田家五行諺云一個星保夜晴此言雨後天陰但見

一兩星此夜必晴星光閃爍不定主有風

夏夜見星密主熱帝城景物略小兒遺溺者夜向參星叩首曰參兒辰

兒可憐溺牀人兒見流火則啐之曰賊星夜不以小兒女衣置星月下曰女怕花星照兒怕賊星照王立程天台山記天台山去郡治一百五十里志稱

華頂高八千丈複嶂重列如張帆翠濤中上參台宿故名

華頂蓋萬山間獨表於諸峯他山如蓮花瓣附之亦云上應華蓋

李之椿太華山記水簾洞貫二十八潭應二十八宿遵生八牋月令云元日進椒柏酒椒是玉衡星精柏

是仙藥二物釀酒是早自幼起進長太清草本方云槐子乃虛星之精是月上巳日採而

吞之每服二十一粒去百病長生通神八月四日以綵絲就北辰星下祈求長命

日知錄晉書天文志虛二星冢宰之官也主北方邑居廟堂祭祀祝禱事又主死喪哭泣按此冢宰當作

冢人又曰軫四星主冢宰輔臣也則周官之冢宰矣注或以公羊傳宰上之本拱矣則墓亦可稱爲宰

漢書藝文志海中星占驗十二卷海中五星經緯事二十二卷海中五星順逆二十八卷海中二十八宿

國分二十八卷海中二十八宿臣分二十八卷海中日月彗虹孛占十八卷海中者中國也故天文志曰

甲乙海外日月不占蓋天象所臨者廣而二十八宿專主中國故曰海中二十八宿今天官家所傳星名

皆起于甘石如郎將羽林三代以下之官左更右更三代以下之爵王良造父三代以下之人巴蜀河間

三代以下之國春秋時無此名也三代以上人人皆知天文七月流火農夫之辭也三

星在天婦人之語也月離于畢戊卒之作也龍尾伏晨兒童之謠也後世文人學士有問之而茫然不知者矣若曆法則古人不及近代之密

今人所奉魁星不知始自何年以奎爲文章之府故立廟祀之乃不能像奎而改奎爲魁又不能像魁而取之字形爲鬼舉足而起其斗不知奎爲北方元武七宿之一魁爲北斗之第一星所主不同而二字之音亦異今以文而祀乃不干奎而于魁宜乎今之應試而獲中者皆不識字之人與

諸城縣志七月七夕各家婦女皆具瓜果香餌拜織女乞巧俗謂是日織女將嫁牽牛哭淚多成雨英德縣志七夕女星傍有小女星婦女於是夜靜俟焚香修供得好顏色潮州府志七夕燕集多用龍眼謂之結星

星辰部外編一

竹書紀年洪水既平歸功於舜將以天下禪之乃潔齋修壇場於河洛擇良日率舜等升首山遵河渚有五老游焉蓋五星之精也相謂曰河圖將來告帝以期知我者重瞳黃姚五老因飛爲流星上入昴春秋合誠圖天皇大帝北辰星也含元秉陽舒精吐光居紫宮中制御四方冠有五采文風俗通織女七夕當渡河使鵲爲橋續齊諸記桂陽城武丁有仙道常在人間忽謂其弟

荆楚歲時記七月七日爲牽牛織女聚會之夜註按
戴德夏小正云是月織女東向蓋言星也春秋運斗
樞云牽牛神名略石氏星經云牽牛名天關佐助期
云織女神名收陰史記天官書云是天帝外孫傳元
擬天開云七月七日牽牛織女會天河此則其事也
河鼓黃姑牽牛也皆語之轉

吉凶時日善惡宿曜經序分定宿直品第一天地初
建寒暑之精化爲日月烏兔抗衡生成萬物分宿設
宮管標羣品日理陽位從星宿順行取張翼軫角亢
氐房心尾箕斗牛女等一十三宿迄至虛宿之家恰
當子地之中分爲六宮也但日月天子俱以五星臣
佐而日光焰猛物類相感以陽獸師子爲宮神也月

光清涼而物類相感以陰蟲巨蟹爲宮神也又日性剛義月性柔惠義以濟下惠以及臣而日月亦各以神宮均賜五星以速至遲卽辰星太白熒惑歲鎮排爲次第行度緩急于斯彰焉凡十二宮卽七曜之躔次歷示禍福經緯災祥又諸宮各有神形以彰宮之

第一星四足張四足翼一足太陽位焉其神如師子故名師子宮主加得財事若人生屬此宮者法合足精神富貴孝順合掌握軍旅之任也

第三角一足元四足氏三足太白位駕其神如辟故
名秤宮主寶庫之事若人生屬此宮者法合心直平
正信敬多財合掌庫藏之任

第六十三足女四足虛二足與星位焉其坤申等屬
名號弓官主喜慶得財之事若人生屬此宮者法令
多計策足心謀合掌將相之任

故名摩竭宮主鬪爭之事若人生屬此宮者法令心
麤五逆不敬妻合掌刑殺之任右已上六位總屬太
需分已下六位總太

第八室一足壁四足奎四足歲星位焉其神如魚故名魚宮主加官受職之事若人生屬此宮者法合作將相無失脫有學問富貴忠直合掌吏相之任

第十鼎三足畢四足觥一足太白位焉其神如牛故名牛宮主四足畜牧之事若人生屬此宮者法合有福德足親友長壽得人貴敬合掌馬廐之任

故名蟹宮主官府口舌之事若人生屬此宮者法合惡性欺誑聰明而短命合掌刑獄訟之任

月期也。此東二之異義。學者先宜曉之。今又一詳釋如左也。

心月景風日唐之四月也
斗建巳位之辰也

唐月建之圖每月十二日數

十一日	箕月 景風日唐之五月也
十日	女月 景風日唐之六月也
九日	室月 景風日唐之七月也
八日	妻月 景風日唐之八月也
七日	昂月 景風日唐之九月也
六日	胃月 景風日唐之十月也
五日	星月 景風日唐之十一月也
四日	翼月 景風日唐之十二月也
三日	虛室 景風日唐之正月也
二日	危壁 景風日唐之二月也
一日	奎胃 景風日唐之三月也

十四日	柳張軫亢房尾斗女危壁婁昂
十五日	星翼角氏心箕牛虛室奎胃畢
十六日	張軫亢房尾斗女危壁婁昂
十七日	翼角氏心箕牛虛室奎胃畢
十八日	軫亢房尾斗女危壁婁昂
十九日	角氏心箕牛虛室奎胃畢
二十日	亢房尾斗女危壁婁昂
二十一日	氏心箕牛虛室奎胃畢
二十二日	房尾斗女危壁婁昂
二十三日	心箕牛虛室奎胃畢
二十四日	尾斗女危壁婁昂
二十五日	箕牛虛室奎胃畢
二十六日	斗女危壁婁昂
二十七日	牛虛室奎胃畢
二十八日	女危壁婁昂
二十九日	虛室奎胃畢
三十日	危壁婁昂

頌曰六宿未到名前合十二宿月左右合九宿如續
隨從母奎宿直應當知耳
序宿直所生品第二昂圖畢六星形如剃刀火神也
姓其尼裴若食乳酪此宿直日宜火作煎糞計算畜
生合和酥藥作牛羊坊舍種時入宅伐逆除暴剝頭
並吉若用裁衣必被火燒此宿直生人法合念善多
男女勤學問有客儀性合慳澀足詞辯景風日中國
相持覽者西方之宿也然今案經文說星多不與中國
於解下登諸之者
畢圖畢五宿形如車鉢闔鉢底神也姓瞿雲食鹿肉
此宿直日宜農桑種時修理田宅通決溝渠修橋道
作諸安久之事不宜放債及出財納穀米若用裁衣
女多饒事務此宿直生人法合多財產足男女性聰
明好布施有心路省口語心意不翻動行步如牛王
有容儀景風日中國天文畢星
主遊兵西方之宿也
觜圖觜三星形如鹿頭月神也姓婆羅墮閑食鹿肉
此宿直日宜作屋舍及造旆羅帳帳家具入新宅嫁
娶沐浴裝束入壇祭星驅除災害吉此日裁衣必被
鼠咬此宿生人法合有名聞景行美容貌心肚真淨
愛服藥必得力口隱密舉動不輕躁為人好法用
愛禮儀景風日中國天文觜星
主軍之土西方之宿也
參圖參一星形如額上點魯達羅神姓盧醯底邪那
食血此宿直日宜求財及穿地賣乳酪糞酥壓油及
諸剛猛之事若用裁衣終慎鼠厄此宿生人法合猛
惡梗戾嗜嘔好合口舌毒害心硬臨事不怯景風日
文參十星主
將軍西方宿
井圖井二星形如屋樑日神也姓婆私瑟吒食酥餅

此宿直日宜惠施貧窮必獲大果凡有所作必得成就又宜祭天宜嫁娶納財惟不宜合藥食若用裁衣

必相分離此宿生人法合錢財或有或無情愛聲名

作人利官縱有官厄還得解脫受性饒病亦多男女

高古義有急難若論景行稍似純直文井八星主天

門南方

鬼圖鬼三星形如餅藥利詞駁撥底神也姓謨閹邪

那食蜜粃稻穀華及乳粥此宿直日宜作百事名譽

長壽若理王事及諸嚴飾之相拜官昇位入壇受鎮

學密法吉若用裁衣有吉祥勝事此宿生人法合分

相端正無邪僻足心力合多聞有妻妾豐饒財寶能

檢校處分又親景風日中國天文鬼五

柳圖柳六星形如蛇神也姓曼陀羅邪食蟒蛇肉此

宿直日宜作剛猛斷快伐逆除惡攻城破賊吞害天

下若用裁衣後必遺失此宿生人法合輟眼饒睡性

靈梗戾嗜瞋不伏人欺又好布施亦好解脫耽著情

事難得心腹景風日中國天文柳八星

星圖星六星形如牆薄仰神也姓翟必略邪那食六

十日稍此宿直日宜種雜物不宜種五穀宜修宅

舍祭祀先亡若用裁衣後必損失此宿生人法合愛

誦誦不能壓捺嗜瞋怒父母生存不能孝養後方

崇饗追念足奴婢畜乘資產有名聞善知識亦多惡

知識一生之間好祈禱神廟景風日中國天文星

張圖張二星形如杵婆數神也姓瞿那律邪食乳粥

此宿直日宜喜慶事求女婚娶修宅拜官作新衣受

長密法學道承仙並吉若用裁衣必被官奪此宿生

人法合足妻妾多男女出語悞人意甚得人愛少資

財智策亦不多業合得人財景風日中國天文張

翼圖翼二星形如跌利邪摩神也姓過陞黎食粟蘇

此宿直日所作皆吉宜田宅築牆穿墻修農業種時

凡諸安久之事並吉若用裁衣後必更得此宿生人

法合愛騎乘鞍馬駕馭車牛布施施用觸處遊從爲

人穩口語受性愛音樂景風日中國天文翼二十二

軫圖軫五星形如毗婆恆利神也姓跋蹉邪那食乳

粥此宿直日宜急速事遠行外國修理衣裳學藝業

婚娶開園闢並吉此宿生人法合有諸寶物合遊歷

州縣稟性嫉妬爲人少病能立功德兼愛車乘景風

角圖角二星形如長幢瑟室利神也姓僧伽羅邪那

此宿直日宜嚴飾造衣裳寶物錦繡之事觀兵行軍

祭祀天神賞賜將士並吉若用裁衣終常逃亡此宿

生人法合善經營饒六畜所作事多合又手巧所作

恆入情只合有二男景風日中國天文角二

亢圖亢一星形如火珠風神也姓蘇那食大麥飯菜

豆酥此宿直日宜調象馬又宜教擊鼓婚娶結交種

時並吉若用裁衣後必得財此宿生人法合統領頭

首辦口詞能經營饒財物淨潔裝束愛喫用造功德

足心力益家風景風日中國天文亢

氐圖氐四星形如角因伽陀羅祇尼神也姓邏怛利

食烏麻雜華此宿直日宜種時五穀果木酒不宜起

動房舍車馬之事若用裁衣多逢親識此宿生人法

合有分相好供養天佛心性解事受性良善承君王

優寵富饒財物利智足家口景風日中國天文氐四

房圖房四星形如帳布密多羅神也姓多羅毗邪食

酒肉此宿直日宜交婚姻喜慶吉祥之事及受戒律

入壇受灌頂修仙道昇位並吉若用裁衣後必更裁

此宿生人法合有威德足男女饒錢財合快活給本

族榮家風景風日中國天文房四

心圖心三星形如階因陀羅神也姓僧訖利底耶那

食粃米蔬乳此宿直日宜作王者所須事兼宜嚴服

昇位登壇拜官試畜乘案摩理身修功德吉不宜出

財及放債若用裁衣必遭死亡盜賊此宿生人法合

處族衆得愛敬承事君王多蒙禮權惡獎善運命耳

景風日中國天文心三星

尾圖尾二星形如師子頂毛你律神也姓迦底那食

乳果華草此宿直日宜沐浴厭呪置宅種樹合藥散

阿伽陀藥并入壇並吉若用裁衣必遭爛壞此宿生

人法合足衣食多庫藏性慳慇志惡戾諍競合得外

財力性愛華樂景風日中國天文尾九

箕圖箕四星形如牛步水神也姓婆邪尼食羅阿紺

苦味此宿直日宜穿地造舍開渠水種華藥修園圃

醞酒醬吉若用裁衣後必得病此宿生人法合遊涉

江山經營利潤爲人耐辛苦立性好姪逸婦女饒病

愛酒景風日中國天文箕四

斗圖斗四星形如象步毗說神也姓毗邪羅那食蜜

麴稻華此宿直日宜著新衣及安久之事置庫藏修

理園林造車乘營田宅寺宇作兵器並吉若用裁衣

多得美味此宿生人法合愛鞍馬歷山林愛祈禱祀

結交賢良多技能足錢財景風日中國天文斗六

牛圖牛宿吉祥其宿三星形如牛頭風梵摩神也姓

奢拏邪那食乳粥香華藥此宿生人法合福德所作

不求景風曰棄天竺宿為吉祥之宿每日午時直事敬天以午時為吉祥之時也羅曼氏以歷年者牛宿古祥文圖術是也今泥牛星又與中國亦別按中國天文牛宿六星開星北方之宿也

女圖女二星形如梨格毗鄰幻神也姓目揭連邪那食新生酥及鳥此宿直日宜為公事置城邑立卿相發兵造戰具并學技能穿耳理髮按摩並吉不宜初著新衣或因之致死又不宜諍競若用裁衣必足病此宿生人法合足心力少病好布施守法律勸道業榮祖宗景風曰中國天文女四

虛圖虛四星形如詞黎勒婆娑神也姓婆私迦邪食於大豆喻沙和上云水乳煮如狀為喻沙相也此宿直日宜建急事學問及沐浴乞子法供養婆羅門置城邑營兵馬及初著新衣嚴飾冠帶並吉若用裁衣多得糧田此宿生人法合足穀多財積長命富勝蒙君王寵愛又好饗禱神廟終多快樂不合辛苦景風曰中國天文虛二星主辛

危圖危一星形如華穩婆魯拳神也姓丹茶邪食瑤羊肉此宿直日宜合藥避病穿池種麻商人出行納財造船醞酒並吉若用裁衣必遭毒厄此宿生人法合嗜酒耽淫耐辛苦心膽硬與人結交必不久長無終始又能處分事務解藥性多順景風曰中國天文危三星北方之宿也

室圖室二星形如車轅阿醯多陀難神也姓閭邪食一切肉此宿直日宜為剛猛事勘逐罪人捕姦捉非若為吉事不宜若用裁衣必遭水厄此宿生人法合決猛惡姓嗜瞋愛劫奪能夜行不怕處性輕躁毒害無慈悲景風曰中國天文室二

壁圖壁二星形如立竿尼陀羅神也姓瞿摩多羅食

大麥飯酥乳此宿直日宜造城邑婚娶末久長壽增益吉慶不宜南行若用裁衣多得財物此宿生人法合承君王恩寵為性慎密怪澀有男女愛供養天佛亦好布施不多愛習典教景風曰中國天文壁二星

奎圖奎三十二星形如小艇連涉神也姓曼茶鼻邪食肉及飲此宿直日宜造倉庫及牛馬坊校算畜牧醞酒鎔精冠帶出行並吉若用裁衣必得寶器此宿生人法合有祖父產業及有經營得錢財總合用盡後更得之事無終始為性好布施亦細澀業合遊蕩足法用慕善人作貴勝律儀之事無終始賞男女愛教學典教景風曰中國天文奎十

婁圖婁三星形如馬頭乾闥婆神也姓說邪尼食烏麻雜菜此宿直日宜為急速之事合和服藥內牛馬吉若用裁衣必增益衣服此宿生人法合多技能少疾病好解醫方性勤公務稟志慎密景風曰中國天文婁西方之宿也

胃圖胃三星形如三角闍摩神也姓婆粟及婆食烏麻稻米蜜肉此宿直日宜為公事及王侯修善事並吉用剛猛伐逆取叛除因去姦非並吉若用裁衣必損減資福此宿生人法合膽硬惡性靈耽嗜酒肉愛驅策劫奪強暴稟志輕躁足怨敵饒男女多僕從景風曰中國天文胃三星形如

凡畢翼斗壁為安重宿此等直日宜造宮殿伽藍館宇寺舍種時修園林貯納倉庫收積穀米結交朋友婚姻策命時相造家具設學供養入道場及安穩并就師長入壇受灌頂法造久長之事並吉唯不宜遠行索債保舉進路造酒刺頭剪甲博戲若此宿生人

法合安重威肅正福德有大名聞凡觜奎為和善宿此宿直日宜入道門學藝習真言結齋戒立道場灌頂造功德設音樂及吉祥事喜慶求婚舉放對君王系將相冠帶公行服藥合和並吉若此宿生人法合柔輒溫良聰明而愛典教

凡參柳心尾為毒害宿此等宿直日宜圍城破營設兵掠賊災陣破敵劫盜擄捕射獵並吉若此宿直日生人法合慘毒剛猛惡性

凡鬼軫婁為急速宿此等宿直日宜放債貸錢買賣交關進路出行調六畜習乘鷹鵠設齋行道入學受業服藥入道場受灌頂市買並吉此宿生人法合剛猛而捷疾有筋力

凡星張箕室為猛惡宿此等宿直日宜守路設險劫掠相攻擄捕博戲造兵謀斷決因徒放藥行酪射獵祭天祀神承兵威並吉此宿生人法合凶害猛殺宜捨身出家作沙門

凡井亢女虛危五星為輕躁宿又為行宿此等宿直日宜學乘象馬騎射馳走浮江汎舟奉使絕域和國入蕃又勒行禮樂揀閱兵馬種時造酒合和藥並吉此宿生人法合澆薄不然則實直平穩

凡昂氏為剛柔宿此等宿直日宜鍛鍊爐冶修五行家具及造瓦買賣之事又宜設藥送葬饋酥乳計筭畜生入宅王者作盟會並吉此宿生人法合為寬柔而猛君子之人也景風曰今經文語多有中國者是翻譯西國東語虛覽之

者悉之不以文唐意者也

中



乾象典第六十三卷

星辰部外編二

法苑珠林星宿部如大集經云爾時安伽羅龍王白殊致羅婆菩薩言大士是星宿者本誰所說誰作大聖小星誰作日月何日之中何星在先於虛空中復誰安置三十日月十二月年云何為時繫屬何處姓何字誰何善何惡何食施若為是晝是夜日月星宿復若為行等汝於諸聖中第一最尊願慫我龍具足解說我等聞已脫苦奉行爾時殊致羅婆菩薩告諸龍言過去世時此賢刼初有一天子名曰大三摩多端正少雙才智聰明以正行化常樂寂靜不樂愛染常樂潔身王有夫人多貪色慾王既不幸無處遂心曾於一時見驢命羣根相出見慾心發動脫衣就之驢見即交遂成胎藏月滿生子頭耳口眼悉皆似驢唯身類人而復羶濕駸毛被體與畜無殊夫人見之心驚怖畏即便委棄投於廁中以福力故處空不墜時有羅刹婦名曰驢神見兒不污念言福子遂於空中接取洗持將往雪山乳哺畜養猶如己子等無有

異及至長成教服仙藥與天童子日夜共遊復有大天亦來愛護此兒飲食甘果菓草身體轉具福德莊嚴大光照耀如是天眾同共稱美號為估盧虱吒音譯大仙聖人以是因緣彼雪山中井及餘處悉皆化生種種好華好果好藥好香種種清流種種好鳥在所行住普皆豐盈以此藥果資益因緣其餘形容羸相悉轉身體端正唯脣似驢是故名為驢脣仙人是驢脣仙人學於聖法經六萬年薨於一脚日夜不下無有倦心天見大仙受如是苦時諸梵眾及帝釋天并餘上方欲色界等和合悉來禮拜供養乃至龍眾脣羅夜叉一切雲集所有仙聖修梵行人皆來到此驢脣聖人邊觀設供養已合掌問言大仙聖人欲求何等唯願為我諸天說之若我能即當相與終不悵惜爾時驢脣聞是語已內心慶幸答諸天言必能稱我情所求者今當略說我念宿命過去劫時見虛空中有諸刼宿日月五星晝夜運行而守常度為於天下而作照明我欲了知分別識解暗暝故不憚劬勞此賢刼初無如是事故等一切諸天龍神憐我故來願說星辰日月法用猶如過去置立安施造作便宜善惡好醜如我所願具足說之一切天言大德仙人其事甚深非我境界若為憐愍一切眾生如過去時願速自說爾時估盧虱吒仙告一切天言初置星宿昂為先首眾星輪轉運行虛空告諸天眾說昂為先首其事是不爾時日天而作是言此昂宿者常行虛空歷四天下恆作善事饒益我等知彼宿屬於火天是時眾中有一聖人名大威德復作是言彼昂宿者我妹之子其星有六形如剃刀一日一夜歷四天下

行三十時屬於火天姓韓耶尼屬彼宿者祭之用酪復次置畢為第二宿屬於水天姓頗羅墮畢有五星形如立叉一日一夜行三十五時屬畢宿者祭用鹿肉復次置菡為第三宿屬於月天即是月天子姓毗黎伽耶尼星數有三形如鹿頭一日一夜行十五時屬背宿者祭用根及果復次置參為第四宿屬於日天姓婆利失絺其性大惡多於瞋念止有一星如婦人懸一日一夜行三十五時屬參宿者祭用醢酬復次置井為第五宿屬於日天姓婆利失絺其星有兩形如腳跡一日一夜行十五時屬井宿者以秬米華和蜜祭之復次置鬼為第六宿屬歲星天歲星之子姓炮波那毗其性溫和樂修善法其有三星猶如諸佛智滿相一日一夜行三十時屬鬼宿者亦以秬米華和蜜祭之復次置柳為第七宿屬於蛇天即姓蛇氏止有一星如婦人懸一日一夜行十五時屬柳星者祭用乳糜右此七宿當於東門復次置南方第一之宿名曰七星屬於火天姓賓伽耶尼其有五星形如河岸一日一夜行三十時屬此星者宜用秬米烏麻作粥祭之復次置張為第二宿屬福德天姓瞿曇彌其星有二形如人之腳跡一日一夜行三十時屬張宿者將毗羅婆果以用祭之復次置翼為第三宿屬於林天姓橋陳如其有二星形如腳跡一日一夜行十五時屬翼星者用青黑豆煮熟祭之復次置軫為第四宿屬沙毗黎帝天姓迦遮延竭仙人其星有五形如人手一日一夜行三十時屬軫星者作券牌飯而以祭之復次置角為第五宿屬喜樂天姓質多羅延尼乾闥婆子止有一星如